

բաժանորդութեան կացուցանել Լուսարար 'ի վերայ Գերեզմանին Քրիստոսի, որպէս Յոյնք, Դատաւորն անհր- նարին վարկաւ զայն խնդիր, զի Յոյնք վասն այնր ու- նէին Խաբէի Երէնք, և չեղեւ: Ասացին Հայք վասն տե- ղեաց ոմանց, զորս խառնեալ էին Յոյնք 'ի տեղիս իւր- եանց, և վասն փայտակերտ վերնատան կանանց եւ սե- նեկաց, զորս չէին շինեալ, եւ զայլս խափանեալ հաստ որմովք: Այլ Դատաւորքն ասացին թէ արտաքոյ իշխա- նութեան մերոյ են այդպիսի խնդիրք, որպէս գրեալ է 'ի հրովարտակին, որ և մնաց անկատար, մինչ չհամարձա- կիլ Իլամ եւս տալ: Սակայն զոր ինչ խօսեցան Յոյնք 'ի ժողովի աստ ընդդէմ Տէրութեան եւ հրովարտակին չհա- մարձակիմք գրել, զի լռութիւն Դատաւորաց առաւել հա- մարձակութիւն տայր նոցա, 'ի հարցանել վերստին Դա- տաւորաց՝ թէ այլ եւս զի՞նչ ունիք: Հայք ասացին, ըն- դէ՞ր է ձեզ հարցանել եւ մեզ տալ պատասխանի ընդու- նայն, զի ոչ զսեփհական տեղիս և ոչ զբաժանորդս հաս- տատեցիք և ետուք մեզ, և եթէ կամիք ձեզ ակնարկու- թիւն ինչ 'ի վերայ եկեղեցւոյն մերոյ 'ի վերնատան, հրա- մայեցէք: Ելին անդ բազմութեամբ և ուշի ուշով զննեալ զամենայն տեղիս ծանեան զվիսան, և զարմացեալ ընդ անխիղճ անգթութիւնս Յունաց շարժէին զգլուխս իւր- եանց, մանաւանդ Դատաւորն, զի գիտէր զառաջին դիրս տեղւոյն, այլ չէին ձեռնհաս առնել ինչ, այլ միայն հրա- մանաւ եւ վերակացութեամբ նոցին շինեցին Հայք զխաչ- կալս երկուց խորանաց, և զերկաթի վանթակս դասուց, և զհամառօտ խաչկալս Յովսէփի Արեմաթացւոյ և Հանդերձ բաժանման խորանաց, և այլն ամենայն մնաց անկատար, ոչ պահարան և ոչ դարան:

Ահաւաստիկ այլայլեալ և յափշտակեալ տեղիքն 'ի Յու- նաց, Մատուռն Ադամայ 'ի ներքոյ Գողգոթայի, ուր էին գերեզմանք Լատին Թագաւորաց, կամարաւ ծածկեալ՝ 2 կանգուն երկարեցին, և զսենեակ տեսչին Յունաց անդ 1 կանգուն 'ի լայն և 2 յերկայն ընդարձակեցին: Արտաքոյ սորին 'ի ներքոյ սեղանատան Հայոց մի սրճարան արարին, եւ զտեղի աղբիւսին 'ի յետուստ մեծի դրան, շինեցին քարեայ աստիճան ելանել 'ի տարածման տեղին. նոյնպէս